

ADMINISTRAZIO ORGANO GISA **ZUZENDARITZA BATZORDEA** DUEN
HONDARRIBIAKO ITSASKARI BAITAREN ESTATUTU ALDATUAK

HONDARRIBIKO ITSASKARI BAITAREN ESTATUTUAK

1. KAPITULUA ARAU OROKORRAK

1. ARTIKULUA.- Hondarribiako Itsaskari Baita irabazi-asmorik gabeko elkarte pribatua da, iraupen mugagabea duena, berezko nortasun juridikoaz eta bere helburuak betetzeko jarduteko gaitasunaz hornitua. Elkartea eratzeko akta 1969ko abuztuaren 16an sinatu zen Hondarribian, herriko alkate zen Pedro Aguinagalde Oyarzabal presidente zelarik. Klubaren xede bakarra da honako kirol modalitate hauek sustatu edota praktikatzea:

- Modalitate nagusia: BELA
- Beste kirol modalitateak: ARRANTZA

Klubak ahalmen-urritasuna duten pertsonen kirola sustatuko du, unean-unean dagoen eskakizunaren arabera eta eskura dituen giza baliabideak eta baliabide materialak kontuan hartuta. Halaber sustatuko du emakumezkoen kirola, kirol-motak emakumeengana zabaltzeko lana bultzatuz.

Horrek ez du esan nahi, ordea, klubak bere kabuz edo beste entitate batzuen bitartez ezingo duenik jarduera ekonomikorik gauzatu, baldin eta klubaren helburuekin loturaren bat badute edo helburu horien zerbitzura badaude.

2. ARTIKULUA.- Kirol-klubaren eraketa, izen ematea, aldaketa, desagertzea, antolaketa eta funtzionamendua honako lege-xedapen hauen mende egongo dira: Euskadiko Kirolaren ekainaren 11ko 14/1998 Legea, Kirol klub eta kirol elkarteei buruzko ekainaren 22ko 163/2010 Dekretua, klubaren estatutuak eta aplikagarriak diren gainerako araudiak, eta bere batzar nagusiak eta gainerako gobernu-organoek hartutako erabaki baliiodunak. Lege-xedapen horiek jasotzen ez duten alderdiei dagokienez, elkarteen alorrean indarrean dagoen araudi orokorra aplikatuko da.

3. ARTIKULUA.- Kasuan kasuko kirol-kluba atxikitzen den kirol-federazioaren lege-xedapenak aplikatuko zaizkie kirol-klubei, afiliazio horren ondorioz bidezkoa den neurrian.

4. ARTIKULUA.- Kirol-klubak nagusiki Euskadiko Autonomia Erkidegoan jardungo du. Klubaren helbide soziala honako hau izango da: HONDARRIBIA, 20280 PK, MINATERA kalea, 4, beheko solairua. Helbidea aldatuz gero baina udalerria ez, administrazio-organoak berak erabaki dezake aldaketa, Euskal Autonomia Erkidegoko Kirol Erakundearen Erregistroari jakinarazita.

Hondarribiako Itsaskari Baita Kluba honako ikur honen bidez bereizten da:

- Atzeko plano urdin iluna duen banderatoa. Banderatoaren erdialdean zuri-berdez nabarmendutako gurutze bat dago, eskuinaldeko besoa luzeagoa delarik. Eso horretan H.I.B siglen inskripzio bat ikus daiteke.

II. KAPITULUA BAZKIDEAK

5. ARTIKULUA.- Kirol-klubeko bazkide guztiak berdinak dira beren eskubide eta betebeharrei dagokienez. Ez da egongo, beraz, haien jatorria, sexua, arraza, erlijioa, hizkuntza, sexu-joera edota beste edozein egoera edo zirkunstantzia pertsonal edo sozial dela-eta diskriminaziorako biderik emango duen inolako xedapenik.

6. ARTIKULUA.- Hondarribiako Itsaskari Baita honako kide hauek osatzen dute:

- Ohorezko bazkideak
- Bazkide Osoak
- Familia bidezko bazkideak
- Kirol-bazkideak.

Ohorezko Bazkideak izango dira Zuzendaritza Batzordeak izendatzen dituenak, aurretik bazkideen Batzar Nagusian onartuak izan direnak. Titulu hori banakakoa da eta ezin da besterendu.

Ohorezko Bazkideek ez dituzte kuota sozialak ordaindu beharko.

Kirol-klubeko bazkide Osoko kideak izan daitezke honako baldintza hauek betetzen dituztenak:

- a) Adinez nagusia izatea.
- b) Dagokion sarrera-kuota ordaintzea.
- c) Interesa edukitzea kirol-klubaren helburuetan.

Familia bidezko Bazkideak ezkonlagunak edo izatezko bikotekideak izango dira.

Kirol-bazkideak Zuzendaritza Batzordeak izendatzen dituenak izango dira, haren ustez Klubaren izenean lehiari aritzeko kirol-gaitasunak dituztelako edota aisialdiko bela praktikatzen dutelako, betiere barne erregimeneko araudia betetzen bada eta horrela onartzen badu presidenteak.

7. ARTIKULUA.- Kirol-klubean bazkide oso bezala sartzeko eskaera idatziz bidali behar zaio presidenteari, beste bi bazkide osoren abalarekin batera. Presidenteak jakitun jarriko du Zuzendaritza Batzordea eta aurreko artikuluan adierazitako baldintzak betetzen diren ala ez aztertu ondoren eskaera onestea edo baztertzea erabakiko du. Erabaki horren aurka ez da errekurtsorik onartuko.

Batzar Nagusiaren ardura da Klubeko gehienezko bazkide kopurua zehaztea.

8. ARTIKULUA.- Kirol-klubeko bazkide osoek honako eskubide hauek izango dituzte:

- a) Batzarretan parte hartzea, hitzarekin eta botoarekin.
- b) Klubaren instalazioak erabiltzea, ezarritako araudi eta erreglamenduei jarraiki.
- c) Ontzietan Klubaren banderatxoa jartzea.
- d) Iradokizunak, kexak edo erreklamazioak (idatzita eta sinatuta) Zuzendaritza Batzordeari helaraztea. Batzordeak presidenteari helaraziko dizkie hark erabaki bat har dezan.
- e) Kirol-klubaren helburu espezifikoak lortzeko bidean parte hartzea, indarreko legedian eta estatutuetan xedatutakoari jarraituz, eta helburu horiek bete daitezela exijitzea.
- f) Kirol-kluba libreki uztea.
- g) Kirol-klubaren jarduerak ezagutzea eta beraren dokumentazioa aztertzea.
- h) Kirol-klubaren baitan bere iritzia askatasunez adieraztea.
- i) Klubaren ordezkari- eta gobernu-organoetarako hautesle eta hautagaiak izatea, betiere adinez nagusiak badira eta jarduteko gaitasun osoa badute.

- j) Haien aurka diziplina-neurriak ezarri baino lehen entzunak izatea, bai eta neurri horiek funtsatu duten gertaeren gaineko informazioa jasotzea ere; gainera, isunik badagokio, horri buruzko erabakia arrazoitua izango da.
- k) Legearen edo estatutuen aurkakotzat jotzen dituzten kirol-klubeko organoen erabakiak aurkaratzea.

9. ARTIKULUA.- Kirol-klubeko bazkide guztiek honako betebeharrak izango dituzte:

- a) Klubaren instalazioak eta ondarean behar bezala eta bizikidetzara-arauek betez erabiltzea eta modu horretan jokatzeko.
- b) Kirol-klubaren helburuak partekatzea eta horiek lortzeko bidean kolaboratzea.
- c) Estatutuen arabera bazkide bakoitzak ordaindu behar dituen kuotak, derramak eta bestelako ekarpenak ordaintzea.
- d) Kirol-klubeko organoek hartzen dituen baliozko erabakiak ontzat hartzea eta betetzea.
- e) Estatutuetatik eta araudietatik ondorioztatzen diren gainerako betebeharrak.

10. ARTIKULUA.- Bazkide izateari utziko zaio honako kasu hauetan:

- a) Norberaren borondatez.
- b) Heriotzagatik edo, pertsona juridikoen kasuan, desegiteagatik.
- c) Bazkide-kuotak arazuz ezarritako epean ez ordaintzeagatik, betiere berandutze horren arrazoiak ez badira behar bezala justifikatzen Zuzendaritza Batzordearen iritziz.
- d) Estatutuetan edo araudietan ezarritako betebeharren ez-betetze larri batengatik isuna jasotzeagatik, Batzar Nagusiak edo Zuzendaritza Batzordeak hartutako baliozko erabakien ez-betetze larri batengatik, beste bazkide bat iraintzeagatik edota Klubaren instalazioetan eta haren jurisdizkiokoak diren gainontzeko guneetan behar bezala ez jokatzekoagatik.

11. ARTIKULUA.- Kirol-klubeko kideek isuna jaso dezakete, betiere alde aurretik administrazio espediente izapidetu eta interesatuari entzunaldia eman ondoren. Isunak izan daitezke, hasi aldi baterako eskubideak galtzetik kirol-kluba behin betiko uzterainokoak. Horrelako kasuetan, bazkideak ez du eskubiderik izango edozein kuotaren ordainketa bueltatzea eskatzeko.

III. KAPITULUA DOKUMENTUEN ARAUBIDEA

12. ARTIKULUA.- Kirol-klubak honako liburu hauek, gutxienez, edukiko ditu antolatuta eta eguneratuta:

- a) Bazkideen Erregistro Liburua.
- b) Kide anitzeko organoen akta-liburuak.
- c) Kontabilitate-liburuak.
- d) Hala badagokio, zor-fituluen edo ondarezko zati alikuotaren erregistro-liburuak.

Aipaturiko liburu horien kudeaketa-lanak ez du kentzen beste xedapen orokor batzuen ondorioz egin beharreko dokumentuen gaineko betebeharrak egin behar ez direnik.

Liburu horiek Euskal Autonomia Erkidegoko Kirol Erakundearen Erregistroan legeztatuko dira, bertako araudi erregulatzaileraren arabera.

13. ARTIKULUA.- Bazkideen Erregistro Liburuan haien izen-abizenak eta helbidea jaso beharko dira. Gainera, alta eta baja egunak ere idatzi beharko dira.

14. ARTIKULUA.- Akta-liburuetan Batzar Nagusiak eta Zuzendaritza Batzordeak eginiko bilerak jasoko dira: eguna, parte hartzaileak, aztergaiak eta hartutako erabakiak. Kirol-klubaren presidentek eta idazkariak sinatu beharko dituzte aktok.

15. ARTIKULUA.- Kontabilitate-liburuetan kontabilitatearen alorrean indarrean dauden xedapenek eskatzen dituzten datu eta mugimenduak jaso beharko dira; hartara, klubaren ondarearen berri zehatza emango dute, eta haren finantza-egoeraren eta emaitzaren berri zehatza ere, bai eta ondasunen inbentarioarena ere.

IV. KAPITULUA ORDEZKARITZA, GOBERNU ETA ADMINISTRAZIO ORGANOAK

16. ARTIKULUA.- Hauek dira kirol-klubaren organoak:

- a) Batzar Nagusia
- b) Zuzendaritza Batzordea
- c) Presidentetza

I. ATALA BATZAR NAGUSIA

17. ARTIKULUA.-Batzar Nagusia gobernu-organo goren da, eta boto-eskubidea duten bazkide guztiek osatzen dute.

18. ARTIKULUA.- Hona zeintzuk diren Batzar Nagusiaren gutxienerako zereginak:

- a) Presidentea edo, hala badagokio, Zuzendaritza Batzordea aukeratzea, bakarka, askatasunez, zuzenean eta isilpean egindako bozketaren bidez.
- b) Kontuak eta aurrekontuak onartzea.
- c) Estatutuak aldatzea.
- d) Kirol-klubaren bat-egitea, zatiketa, eraldaketa edo desegitea onartzea.
- e) Dirua maileguan hartzea.
- f) Higiezinak besterentzea eta zergapetzea.
- g) Eskualda daitezkeen zor-titulu adierazgarriak edo ondarezko zati alikuotarena ematea.
- h) Presidentearen aurkako edo, hala badagokio, Zuzendaritza Batzordearen aurkako zentsura-mozioa onartzea.
- i) Administrazio-organoko kideen ordainsariaren baldintzak onartzea.
- j) Klubaren egoitza sozialeko Barne Erregimeneko Araudia onartzea eta aldatzea.

19. ARTIKULUA.- Batzar Nagusiak ohiko bilkurak egingo ditu kontuak onartzeko eta, nahitaezkoa izanez gero, aurrekontua onartzeko; ezohiko bilkurak ere egingo ditu, sortzen diren bere eskumeneko gainerako gaiak aztertzeko.

20. ARTIKULUA.- Kirol-klubeko presidenteari dagokio Batzar Nagusiaren ohiko bilkurarako deia egitea. Hori ezinezkoa bada edo presidenteak deialdia epearen barruan egiteko obligazioa betetzen ez badu, Zuzendaritza Batzordeak edo edozein bazkide-taldekin egin dezake deialdia, baldin boto-eskubidea duten bazkideen %10era iristen bada.

Kirol-klubaren presidenteari edo boto-eskubidea duten bazkideen %10era iristen den edozein bazkide-talderi dagokio Ezohiko Batzar Nagusiaren deialdia egitea.

21. ARTIKULUA.- Batzar Nagusirako deia –dela ohikoa dela ezohikoa–, aztergaienez zerrendarekin batera, kirol-klubaren webgune ofizialean –halakorik badago– jarritako iragarki baten bidez eta posta arruntaren edota posta elektronikoaren bidez jakinaraziko zaie bazkideei. Iragarkia 15 eguneko aurretik jarriko da, gutxienez, salbu eta premiazko epeen kasuetan edo ezustean gertaturiko larrialdien kasuetan. Webgunerik ez badago, jakinarazpena posta arruntaren bidez edo posta elektronikoaren bidez bidaliko da (15 egun aurretik ere).

22. ARTIKULUA.- Batzar Nagusia –dela ohikoa dela ezohikoa– baliozkotzat joko da baldin eta lehenengo deialdian kideen %50 gutxienez bertaratzen badira. Bigarren deialdian, baliozkotzat joko da edozein dela ere bertaratzen diren kideen kopurua. Bigarren deialdian, bilera ezingo da egin harik eta aurreneko deialditik hogeita hamar minutu pasa arte. Erabaki guztiak gehiengo soilez hartuko dira, betiera ez bada kontrakoa xedatzen.

II. ATALA ZUZENDARITZA BATZORDEA

23. ARTIKULUA.- Zuzendaritza Batzordea kirol-klubaren administrazio-organoa da. Bertako kideen kopurua bakoitia izango da, beti bost (5) baino altuagoa. Honako hauek osatuko dute, gutxienez, Zuzendaritza Batzordea: presidentea, zeina kirol-klubaren presidentea bera izango baita, presidenteordea, komodoroa, diruzaina eta idazkaria.

24. ARTIKULUA.- Zuzendaritza Batzordeari kudeaketa administratiboari eta ekonomikoari buruzko eginkizunak esleituko zaizkio. Horrez gain, Zuzendaritza Batzordearena izango da Barne Erregimeneko Araudia idazteko eta aldatzeko ardura, Batzar Nagusian onartutako jarraibideak errespetatuz garatu beharko duena. Hala eta guztiz ere, eta egoitza sozialaren funtzionamendua errazteko, Zuzendaritza Batzordeak funtzionamendu araren bat aldatzeko ahalmena izango du eta erabaki hori indarean egongo da Batzar Nagusian onartzen edo aldatzen den arte. Eginkizun horietako bat edo guztiak klubean sorturiko batzorde exekutibo bati edo kideren bati eskuordetu ahalko dizkio.

25. ARTIKULUA.- Zuzendaritza Batzordearen bilkuretarako deialdia egitea kirol-klubaren presidentearen edo, haren ordeztan, presidenteordearen eginkizuna izango da. Deialdia eta aztergaien zerrenda, dagokion dokumentazioarekin batera, kirol-klubaren webgunean jarritako iragarki baten bidez jakinaraziko zaie Zuzendaritza Batzordeko kideei. Iragarkia bi egun aurretik jarriko da, gutxienez, salbu eta premiazko epeen kasuetan edo ezustean gertaturiko larrialdien kasuetan. Webgunerik ez badago, edota ez badabil, jakinarazpena posta arruntaren bidez edo posta elektronikoaren bidez bidaliko da.

26. ARTIKULUA.- Batzar Nagusia baliozkotzat joko da baldin eta lehenengo deialdian kideen %50 gutxienez bertaratzen badira, eta bigarren deialdian kide bi gutxienez bertaratzen badira, betiere horietako bat presidentea edo presidenteordea bada

Halaber joko da baliozkotzat baldin eta, aurretik deialdirik egin gabe ere, Zuzendaritza Batzordeko kide guztiak bertaratzen badira eta aho batez hala erabakitzen badute. Erabakiak bertaratutako gehienek onetsiko dituzte.

27. ARTIKULUA.- Kirol-klubaren presidentea edo, haren ordeztan, presidenteordea izango da Zuzendaritza Batzordeko burua eta Batzordearen jarduna koordinatuko duena.

28. ARTIKULUA.- Idazkariak sarrera-eskaerak jaso eta bideratuko ditu, kirol-klubaren bileren aktak egingo ditu, bazkideen fitxategiaz eta erregistro-liburuaz arduratuko da, bai eta klubaren web guneaz eta lan administratiboak zuzentzeaz ere. Zeregin horietarako, langile edo kolaboratzaileen laguntza jaso ahal izango du.

Diruzainak Klubaren funtsak kudeatuko ditu eta Klubaren kontabilitate-liburuak behar bezala eramaten direla zainduko du.

Komodoroak erregatetako eta bestelako kirol-jardueretako programak idatzi, proposatu eta gauzatuko ditu. Klubaren kirol-plana aztertzeko eta garatzeko kirol-atal ezberdinetan egiten diren bileretan presidente lanak egingo ditu, arreta berezia jarri Bela Eskolaren garapenean eta funtzionamenduan.

Batzordekideek, Zuzendaritza Batzordearen bileretara joateaz gain, berariaz esleitzen zaizkien funtzioak beteko dituzte.

29. ARTIKULUA.- Zuzendaritza Batzordeak, edo bertako kideek banaka, honako kasu hauetan utziko dute kargua:

- a) Dimisioa ematen duelako.
- b) Heriotzagatik edo, pertsona juridikoen kasuan, desegiteagatik.
- c) Zentsura-mozioa onartu delako.

Kideen banakako kargu-uzteen ondorioz Zuzendaritza Batzorde osoarena gertatzeko, kideen erdiek gutxienez utzi behar dire beren kargua.

Zuzendaritza Batzordearen kargu-uztea gertatzen bada, Batzorde Kudeatzaile bat eratuko da hilabete bateko epean, gehienez ere, eta Batzar Nagusi Berezirako deia egingo da, Zuzendaritza Batzorde berria hautatzeko. Hori ezinezkoa bada, edozein bazkide-talde egin dezake deialdia, baldin boto-eskubidea duten bazkideen % 5era iristen bada.

Zuzendaritza Batzordeko kide batek edo gehiagok banaka kargua uzten badute, baina hala ere kideen %50ek beren karguari eusten badiote, postu hutsak kooptazio bidez bateko dira, alegia, Zuzendaritza Batzordeko kideek askatasunez aukeratuko dituzte kargu berriak beteko dituzten pertsonak. Kooptazio bidez izendatzen diren kideak egiten den lehenengo Batzar Nagusian berretsiko dira.

III. ATALA PRESIDENTEA

30. ARTIKULUA.- Presidentea kirol-klubaren organo exekutiboa da; klubaren legezko ordezkariak dauka eta administrazio-organoen burua da, eta organo horiek hartutako baliozko erabakiak exekutatzeko betebeharra dauka.

31. ARTIKULUA.- Presidentea, Zuzendaritza Batzordeko gainerako kideak bezala, zerrenda itxien hautagaitzen bidez aukeratuko da, eta hautagaitzan lehenengo postuan dagoena horixe aukeratuko da presidente.

32. ARTIKULUA.- Presidenteak estatutu hauetako 29. artikuluan adierazitako arzoietako batengatik utzi ahal izango du kargua. Kirol-klubeko presidentearen postua hutsik gelditzen bada, aipaturiko arau horretan aurreikusitako muduan jokatu da.

IV. ATALA XEDAPEN OROKORRAK

33. ARTIKULUA.- Kirol-klubaren Zuzendaritza Batzordea eta presidentea lau urterik behin aukeratuko dira, bakarka, askatasunez, zuzenean eta isilpean egindako bozketaren bidez, eta aukeraketan bazkide guztiek parte hartu ahal izango dute. Bozketan ez da boto-ordezkaritzarik onartuko.

Kirol-klubeko organoetako kideek jardunean jarraituko dute kide berriak karguaz jabetzen diren arte, non eta ez den gertatzen horretarako ezintasun ageriko bat.

Zuzendaritza Batzordeko kideek beren kargua betetzeagatik ordainsariak jaso ahal izango dituzte, betiere Batzar Nagusiak berriaz onartzen badu, beste aztergaietatik aparteko gai moduan, eta bertaratutako kideen bi herenak alde agertzen badira.

34. ARTIKULUA.- Batzar Nagusiak Zuzendaritza Batzordeko kide guztien edo haietako baten edo batzuen erantzukizuna exijitu ahal izango du zentsura-mozio baten bidez. Mozio horrek, aurrera egingo badu, berriaz deitutako bilkuran bertaratutako bi herenen aldeko botoa beharko du.

Zentsura-mozioa idatziz aurkeztu beharko zaio Zuzendaritza Batzordeari, bazkide guztien %10eko babesarekin. Ezohiko Batzar Nagusiak aztergai bakarria izango du: zentsura-mozioa eztabaidatzea eta haren gaineko ebazpena ematea.

Zuzendaritza Batzorde osoaren aurkako mozio-zentsura onartzeak bertako kide guztien kargu-uztea ekarriko du, kirol-klubaren presidenteari barne. Zentsura-mozioa batzordekide baten edo batzuen aurkakoa bada, hura onartzeak batzordekide horien kargu-uztea soilik ekarriko du.

Zentsura-mozioak presidente berria izateko hautagai baten proposamena jaso dezake, edota, hala badagokio, Zuzendaritza Batzorde osoarena edo bertako kide batena edo batzuenarena. Hauatutako kargu berrien agintaldia aurreko agintaldiari bukatzeko falta zaion adinakoa izango da.

35. ARTIKULUA.- Inola ere ez dira bateragarriak izango kirol-klub baten presidente kargua eta klub hori atxikita dagoen kirol-federazioaren presidente kargua.

Pertsona bera ezingo da izan batera kirol-modalitate bereko eta kategoria bereko kirol-klub baten baino gehiagoren presidentea.

V. KAPITULUA HAUTESKUNDE PROZESUA

36. ARTIKULUA.- Klubaren hauteskunde-prozesuak ekainaren 22ko 163/2010 Dekretuan ezarritakoa beteko du, bai eta estatutu hauetan eta Batzar Nagusiak onartzen dituen gainerako hauteskunde-araudietan ezarritakoa ere.

37. ARTIKULUA.- Administrazio-organoetarako aurkezten diren hautagaitzetan emakumeen eta gizonen arteko oreka gordeko da, arrazoi objektiboak tarteko ezinezkoa denean izan ezik.

Hautagaitza bakarria baldin badago, zuzenean aukeratuko da, inolako bozketarik egin behar izan gabe.

VI. KAPITULUA ARAUBIDE EKONOMIKOA

38. ARTIKULUA.- Kluba berezko aurrekontu eta ondare araudiaren mende egongo da. Ekonomia-ekitaldia urtekoa izango da, eta amaiera urte bakoitzeko abenduaren 31ean izango du.

Klubak ez du fundazio-ondarerik, eta bere jarduerak aurrera eramateko honako baliabide hauek erabiliko ditu:

- a) Batzar Nagusiak, hala badagokio, erabakitzen dituen sarrera-kuotak edo/eta aldizkako kuotak.
- b) Berez dagozkion ondasun eta eskubideen produktuak, bai eta jasotzen dituen diru-laguntzak, dohaintzak, utziriko ondarea eta babes-laguntzak ere.
- c) Estatutuetan adierazitako helburuei begira klubak egiten dituen legezko jardueretatik eratorritako beste diru-sarrerak.

Diru-sarrera guztiak, kirol-ekitaldietan eskuratutakoak barne, oso-osorik erabiliko dira helburu soziala garatzeko. Inola ere ez da onartuko etekinak bazkideen artean banatzerik, ezta haien ezkontideen edo antzeko afektibitate-harremana duten bizikideen artean ere, edo ahaideen artean. Orobat, ezingo da doako lagapenik egin irabazi-asmoa duten pertsona fisiko edo juridikoen alde.

Ondasun higiezinak erabiltzeko, besterentzeko edo zergapetzeko, Batzar Nagusian bertaratutako bi herenen gehiengoz adostutako erabakia beharko da.

39. ARTIKULUA.- Kirol-kluba deseginez gero, edo bazkideren bat egotziz gero, pertsona horrek eskubidea izango du hasieran ordaindu zuen ondare-partaidetzaren diru-kopurua edo beste diru-ekarpenak errekuperatzeko, salbu eta bazkide-tza-kuota moduan ordaindutako kopuruak. Horretarako, baina, ezinbesteko baldintza da ondare-murrizketaren ondorioz hirugarren pertsona edo entitateek kalterik ez jasotzea. Banantze kasuetako ondare-partaidetza berreskuratzeak ez du zertan eraginik izan klubaren irabazi asmorik gabeko izaeran. Batzar Nagusiari dagokio artikulua honetan adierazitako erabakiak abian jartzea.

VII. KAPITULUA ESTATUTUAK ALDATZEA.

40. ARTIKULUA.- Estatutu hauek aldatzeko edo indargabetzeko, berariaz deitutako Batzar Nagusi Bereziaren erabakia beharko da, alegia, bertaratutako bazkideen bi herenen gehiengo kualifikatuaren adostasunez hartutako erabakia.

VIII. KAPITULUA DESEGITEA ETA LIKIDAZIOA

41. ARTIKULUA.- Kluba Batzar Nagusiaren erabakiz desegingo da, estatutu hauek aldatzeko ezarri diren baldintzak eta gehiengoa errespetatuta, edo ebazpen judizialaren bidez.

42. ARTIKULUA.- Behin kirol-kluba deseginez gero, likidazio-epea hasiko da. Epe hori amaitu arte klubak bere nortasun juridikoari eutsiko dio.

Administrazio-organoko kideak likidatzaile bihurtuko dira, salbu eta Batzar Nagusiak edo, hala badagokio, desegitea ebatzi duen epaileak beste batzuk izendatzen baditu; eta 163/2010 Dekretuaren 69.3 artikuluan xedatutako funtzioak beteko dituzte.

Likidazio-fasean dagoen bitartean, kirol-klubak "likidazio-fasean" esaldia erantsi beharko dio bere izenari.

43. ARTIKULUA.- Kirol-kluba desegin eta likidatuz gero, haren ondorioz geratzen den ondare garbia udalerrira bereko, edo hala badagokio, lurralde historiko bereko beste kirol-entitate baten bitartez kirola sustatzeko eta praktikatzeko helburuetarako erabiliko da.

IX. KAPITULUA DIZIPLINA ARAUBIDEA

44. ARTIKULUA.- Kirol-klubak bazkideen gainean duen diziplina-ahalmena klubaren beraren araudiek eta erabakiek ezarriko dute, eta hartzen dituen erabakien kontra ezingo da errekurtsorik jarri kirol-federazioetan edo Kirol Justiziako Euskal Batzordean. Kirol-klubak diziplinaren alorrean hartzen dituen erabakiak jurisdikzio arruntean aurkaratu ahal izango dira.

Hondarribian, 2011eko maiatzaren 7an

IDAZKARIA

PRESIDENTEA